



40582

kat.komp.

I

Mag. St. Dr.

P

Fest. 3227

Vangrovecii Joannis: Quaestio theolo-
gica de satisfactione Christi.

Biblioteka Jagiellońska



stdr0003022

QVÆSTIO THEOLOGICA, De Satisfactione Christi.

Ex tertia parte D. Thomæ Aquinatis desumpta.

Præsidente Magnifico & Adm. Rñdo. Dño.

IACOBO VSTIENSI,

S. Th. & I. V. Doctore ac Professore, eiusdem
Augustæ Facultatis, Decano Custode S. Flo-
riani, &c. Studij Cracou. Generali.

RECTORE.

Et obseruandissimo Præceptore.

A

Rñdo. Patre Fratre IO ANNE VANGROVECIO,

Conuentus Andreouensis, Sacri Ordinis Cisterciensis,

Professo Sacræ Theologiæ Baccalaureo.

Publicè ad disputandum in Alma Academia Cracouensi

Regni Poloniæ Schola Generali,

PROPOSITA.

Pro consequendo gradu Licentiaturæ in Sacra Theologia.

LECTORIO DD. THEOLOGORVM,

Mense Septemb die 16. hora Anno Dñi. 1643.

366

CRACOVIA, In Officina Francisci Casari.

*hic
studia
et prom
liber
gra
beatus*



IN STEMMATA Illustriss. SRZENIAWA.



40582

Non solus doctis Helicon sudare fluentis
 Dicitur, aut scissâ rupe recludit aquas.
 Dudum Sarmatico virtus Opolscia agone.
 Srzeniauas fausto Marte notauit aquas.
 Ergo per obstantes placidè mea carbasa fluctus
 Pergite cognato flumine, vela damus.

Casimirus de Mstow Mstowski,
 Eloquentis Studiosus.

Perillustri & Reuerendissimo Domino,
D. IOACHIMO
DE MSTOW,
MSTOWSKI.

Diuina vocatione,
ABBATI CIRICIENSI,
 Sacri Ordinis Cisterciensis.

• Domino & Patrono suo colendissimo.

Necnon toti Congregationi **MARIANÆ**
CIRICIENSI.



BONO omine esse iubeas Perillustris ac
 Reuerendiss. Dñe. quòd in Tuum gentili-
 cium flumiū Theologica Sapiētiæ nauim
 felicem cursum habituram expedit. Expli-
 co carbasā, quæ in torrentem gloriæ Tuae
 placidis adspiratum etesys totius Vniuersi
 commodo detonsi Agni merita, id est Colchico vellere longè
 pretiosiores merces inuehant. Quin summis istius ratis guber-
 naculis præesse, hac eadem Te Sapiētiā postulat, quæ in ex-
 teris nationibus excelsum & sublime Doctoris nomen, pro-
 susq; peritissimi in Oceano scientiarum Nauarchi lauream
 Tibi contulit. Neq; verò **SRZENIAVÆ MSTOVI-**
NO præstantioris atq; certioris fortune nauis incumbere,

quàm sit Diuina Sapiētia, nec huic felicior alibi cursus obtin-
gere potuit. Nihil hic male ominati periculi, omnia secura
sunt amantitatis. Ijs nimirum itineribus etiam ipse hoc flu-
mine fretus enauigasti, ut tranquillis quadraginta annorum
religiosi negotij laboribus circumlatus, iam nunc felici, olimq;
felicissimâ statione gaudeas. Iam quid spei Religiosissimo Cœ-
nobio, cuius ad clauum sedes affulserit, velut è specula prospe-
ximus; quod & idem regendæ classis officia susceperis, & cum
moderatione fluctuum necessum sit, æquissimus arbiter placido
imperio remos & antēnas tēperes. Hoc scilicet Tuus Neptu-
nus proprium habet, ne violentos Aquilonū turbines & sauas
tempestatum procellas patisciat. Ille nempe ad salutem pluri-
morum Oceanus est, qui euersas momento classes componit, non
quæ opprimit. Certè Palat. Lubomirsiana nobilitatis & opu-
lentia flumen, dum latè vniuersum Polonia orbem beneficijs
peruagaretur, in hoc etiam domiciliū Ciriciense sinuosâ libera-
litas aurigæ excursionē influxerat, hodieq; beneficium esse non
desistit. Quippè suos in Te quoq; riuulos deriuauit, quibus no-
stri cymba Ordinis Sacri securè incūberet, Teq; doctissimo
Nauarcho directæ, & scopulos undiq; infestos vitaret, & trā-
quillum in illis fortunatis beatorum insulis, una cum suo cæ-
tu portum expectaret.

Perillustr. & Reuerendiss. Dñationis. Tnæ,
humillimus, cliens & exorator.

P. F. Ioannes Vangroueccijs Conuent.
Andreouien. S. Ord. Cisterciē. Pro-
fess. S. Theolog. Baccalaureus.

QVÆSTIO

DE

SATISFACTIONE CHRISTI.

V. Offensa Dei peccato originali
& actuali mortifero contracta,
ita sit infinita, vt nullius puræ creatu-
ræ, præterquam Christi Domini satis-
factione, ab eius quidem humanitate
vt quo procedente sed valorem ac di-
gnitatem ex persona habente, ex rigo-
re iustitiæ fuerit exsolubilis nec ne?

CONCLUSIO I

Offensa Dei contracta peccatis originali & actuali
mortifero est quidem infinita in ratione offen-
sæ non tamen simpliciter,

C O R O L L A R I A.

1. Totalis malitia neque in peccatum originale neque actuale cadit.
2. Neutri ex dictis debetur pena simpliciter infinita.
3. Stando intra metas iustitie, Deus potest acceptare penam secundum quid infinitam.
4. Damnati de facto non subeunt penam simpliciter infinitam.
5. Tam peccatū originale quam mortiferum, actuale non tollit bonum nature.
6. Cum infinitate Dei offense per peccata mortifera contracte, stat inequalitas peccatorum actualium.

C O N C L U S I O II.

Offensa Dei peccatis originali & actuali mortifero contracta, à nulla pura creatura est condignè persolubilis.

C O R O L L A R I A.

1. Purus homo nec suo tantò minus alieno peccato contractam Dei offensam potest persolvere.
2. Non potest ullus gratie gradus tantus dari in homine puro sufficiens, ad offensam Dei condignè exsoluendam.
3. Actus

3. *Actus charitatis à puro homine in quacūq; gratia possibili constituto nequit aequè Deo placere atq; displicet offensa.*

4. *Etiamsi daretur hominū infinitorū contritio perfecta hec tamen non esset sufficiens ad condignā persolutionem Dei offensa.*

5. *Nil vetat ab homine puro in gratia constituto satisfactionem pro exsoluenda offensa à Deo fore acceptabilem.*

6. *Satisfactio per opera merè naturalia præstanda, neq; per absolutam Dei potentiam est sufficiens, etiam ex iustitia imperfecta ad offensam Dei totius generis humani contractam exsoluendam.*

C O N C L U S I O III.

*Humanitas Christi Domini fuit tantum principium
ut quo operum satisfactionis.*

C O R O L L A R I A.

1. *Formale principium operum Christi satisfactionis est humanitas eiusdem.*

2. *Falluntur qui ad humanitatē Christi ceu principium ut quod reducunt satisfactionem.*

3. *Christi humanitas pure loquendo non fuit passa mortua, sepulta.*

4. Prin-

4. Principiū quod immediatū satisfactionis Christi fuisse Christi humanitatem merito est negandum.

5. Quando in sacra scriptura Christus Dominus vocatur mediator, redemptor, propitiatio, pro peccatis loquitur de principio ut quod satisfactionis.

6. Propositio ista Christus in quantū Deus homo satisfecit ex rigore iustitiae, est admittenda.

C O N C L U S I O IV.

Satisfactio Christi valorem & dignitatem habuit ex eiusdem persona.

C O R O L L A R I A.

1. Satisfactio Christi ex re oblata sumit aliquam dignitatem ac valorem.

2. Hoc idem asserendum est de valore sacrificij ac meriti.

3. Gradus valoris & dignitatis qui est in Christi persona, nequit esse idem in operibus satisfactionis.

4. Satisfactio Christi pro peccatis, licet fuerit ex obiecto sine ex materia circa quam sufficientissima, non tamen infinita simpliciter.

5. Non tamen negamus dignitatem secundum quid habere satisfactionem Christi ex obiecto.

6. Sacri-

6. Sacrificium legis nouæ longè excedit in valore ac dignitate sacrificia legis veteris.

CONCLUSIO V.

Offensa Dei peccatis originali & actualibus mortiferis contracta, ex rigore iustitiæ sola Christi satisfactione est exsolubilis?

COROLLARIA.

1. Satisfactio Christi pro offensa Dei habet æqualitatem, seclusa compromissione atq; acceptatione.

2. Christi satisfactione tantum bonum redditum, quantum malum fuit in peccato.

3. In satisfactione Christi vera & propria iustitiæ ratio intercessit.

4. Actus Christi obedientiæ, humilitatis, charitatis, erant imperati à voluntate compensandi iniuriam peccatis Deo factam.

5. Nullius hominis opus de factò est satisfactorium absq; influxu Christi satisfactionis.

6. Per absolutam Dei potentiam iusti actionem in satisfactionem pro peccato non repugnat acceptari.

SVB FELICIBVS AVSPICIIS

Admodum Rñdi. ac Magnifici Dñi.

D. IACOBI VSTIENSIS, S.

Th. & I. V. Doctoris, ac Profess.
dignissimi, Eccl. Colleg. S. Flo-
riani Custodis, Almæ Vni-
uersitatis Cracouiensis

Vigilantissimi

R E C T O R I S.





